



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՇՎԵՔՆՆԻՉ ՊԱԼԱՏ
ՈՐՈՇՈՒՄ

«28» հունիսի 2018 թվականի N 14/4

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏԻ 2018 թվականի
մայիսի 10-ի թիվ 2/1 ՈՐՈՇՄԱՆ ՀԱՎԵԼՎԱԾՈՎ ՀԱՍՏԱՏՎԱԾ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏԻ ԿԱՆՈՆԱԴՐՈՒԹՅՈՒՆՈՒՄ
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Հաշվեքննիչ պալատի մասին» ՀՀ օրենքի 16-րդ հոդվածի 9-րդ մասի 9-րդ կետի, «Նորմատիվ իրավական ակտերի մասին» ՀՀ օրենքի 33-րդ հոդվածի 1-ին մասի 1-ին, 2-րդ, 3-րդ, 4-րդ կետերի և 3-րդ մասի, 34-րդ հոդվածի 1-ին և 2-րդ մասերի դրույթներով՝ ՀՀ հաշվեքննիչ պալատը

Ո Ր Ո Շ ՈՒ Մ Է.

1. Հայաստանի Հանրապետության հաշվեքննիչ պալատի իրավաբանական վարչությունը վերակազմավորել իրավաբանական բաժին:
2. Հայաստանի Հանրապետության հաշվեքննիչ պալատի 2018 թվականի մայիսի 10-ի թիվ 2/1 որոշման հավելվածով հաստատված Հայաստանի Հանրապետության հաշվեքննիչ պալատի կանոնադրությունում (այսուհետ՝ Կանոնադրություն) կատարել հետևյալ փոփոխություններն ու լրացումները՝
 - 1) Կանոնադրության 17-րդ կետի՝
 - ա) 1-ին մասից հանել «ինչպես նաև իրավաբանական վարչությունը,» բառերը:

բ) 2-րդ մասը շարադրել նոր խմբագրությամբ.

«հաշվեքննության գործընթացին առնչվող գործառույթ իրականացնող մասնագիտական կառուցվածքային ստորաբաժանում, այն է՝ Մեթոդաբանության, վերլուծության և միջազգային կապերի վարչությունը.»:

գ) 3-րդ մասը շարադրել նոր խմբագրությամբ.

«աջակցող մասնագիտական կառուցվածքային ստորաբաժանումներ, այն է՝ Արարողակարգի և փաստաթղթաշրջանառության վարչությունը, Ֆինանսատնտեսական և հաշվապահական հաշվառման վարչությունը, (Ֆինանսատնտեսական և հաշվապահական հաշվառման վարչության տնտեսական բաժինը), Իրավաբանական բաժինը, Անձնակազմի կառավարման բաժինը.»:

- 2) Կանոնադրության 18-րդ կետում «պայմանագրային աշխատողներ» բառերը հանել:
- 3) Կանոնադրության 21-րդ կետում հանել «(այդ թվում՝ ստուգում)» բառերը, իսկ «ստորաբաժանումների բնականոն գործունեությանը» բառերը փոխարինել «ստորաբաժանման բնականոն գործունեությանը և կատարում են մասնագիտական ապահովում:»:
- 4) Կանոնադրության 22-րդ կետում «հաշվեքննության գործընթացին առնչվող գործառույթ իրականացնող մասնագիտական կառուցվածքային ստորաբաժանումները» բառերը փոխարինել «հաշվեքննության գործընթացին առնչվող գործառույթ իրականացնող մասնագիտական կառուցվածքային ստորաբաժանում» բառերով:
- 5) Կանոնադրության 23-րդ կետում «մասնագիտական կառուցվածքային ստորաբաժանումները» բառերը փոխարինել «մասնագիտական կառուցվածքային ստորաբաժանում» բառերով, «հավասարեցվում են» բառերը փոխարինել «հավասարեցվում է» բառերով, իսկ «կրում են» բառերը փոխարինել «կրում է» բառերով:
- 6) Կանոնադրության 29-րդ կետում «15» թիվը փոխարինել «17» թվով:
- 7) Կանոնադրության VII-րդ գլխի վերնագրի «հաշվեքննության գործընթացին առնչվող գործառույթ իրականացնող մասնագիտական կառուցվածքային

ստորաբաժանումները» բառերը փոխարինել «հաշվեքննության գործընթացին առնչվող գործառույթ իրականացնող մասնագիտական կառուցվածքային ստորաբաժանում» բառերով:

8) Կանոնադրության 33-րդ կետը ճանաչել ուժը կորցրած:

9) Կանոնադրության 35-րդ կետի 4-րդ, 5-րդ ենթակետը շարադրել նոր խմբագրությամբ.

«4) Ապահովում է գնումների պլանի, դրանում կատարվող փոփոխությունների կազմման և հրապարակման գործընթացը.

5) Կազմակերպում և իրականացնում է Հաշվեքննիչ պալատի կարիքների համար անհրաժեշտ ապրանքների, ծառայությունների և աշխատանքների գնման գործընթացները.»

10) Կանոնադրության մեջ լրացնել նոր կետ՝

«35¹ Ֆինանսատնտեսական և հաշվապահական հաշվառման վարչության տնտեսական բաժինը՝

1) ապահովում է Հաշվեքննիչ պալատի վարչական համալիրի շահագործումը, դրա և հարակից տարածքների բարեկարգումը և բարվոք վիճակի պահպանումը, տեխնիկական սպասարկման ապահովման աշխատանքները.

2) ապահովում է Հաշվեքննիչ պալատի գույքի, սարքավորումների և տրանսպորտային միջոցների շահագործման և պահպանման աշխատանքները.

3) իրականացնում է Հաշվեքննիչ պալատի պահեստի և տնտեսական գույքի վարման աշխատանքները,

4) ապահովում է գնման հայտի կազմման և հաստատման աշխատանքները:»

11) Կանոնադրության մեջ լրացնել նոր կետ՝

«36¹ Իրավաբանական բաժինը՝

1) կազմակերպում և իրականացնում է Հաշվեքննիչ պալատի գործունեության իրավական մասնագիտական ապահովումը.

- 2) Կազմակերպում և իրականացնում է բաժնի առջև դրված նպատակներից և խնդիրներից բխող իրավական ակտերի նախագծերի, առաջարկությունների, եզրակացությունների, ինչպես նաև դրանց վերաբերյալ մեթոդական պարզաբանումների և ուղեցույցերի մշակում.
 - 3) մասնագիտական եզրակացություն է ներկայացնում հաշվեքննության արդյունքում կազմվող ընթացիկ եզրակացությունների նախագծերի, պետական բյուջեի կատարման վերաբերյալ եզրակացության նախագծի իրավաբանական հիմնավորվածության վերաբերյալ:
 - 4) ներկայացնում և պաշտպանում է Հաշվեքննիչ պալատի շահերը դատական և այլ պետական մարմիններում:
 - 5) հաշվեքննության օբյեկտի պաշտոնատար անձանց կողմից կատարված արարքում առերևույթ հանցագործության հատկանիշների առկայության վերաբերյալ, մինչև Հաշվեքննիչ պալատի որոշում ընդունելը, տալիս է մասնագիտական եզրակացություն: Որոշում ընդունվելու դեպքում համապատասխան կառուցվածքային ստորաբաժանման աշխատակիցների հետ համատեղ կազմակերպում է այդ առնչությամբ ՀՀ գլխավոր դատախազության և այլ իրավապահ մարմինների հետ տարվող աշխատանքները.
 - 6) իրագործում է բաժնի աշխատակիցների պաշտոնների անձնագրերով սահմանված գործառույթները:»
- 12) Կանոնադրության 37-րդ կետը լրացնել նոր ենթակետով.
- «7) Իրականացնում է քաղաքացիական ծառայողների բարեվարքության հարցերով կազմակերպչի Հայաստանի Հանրապետության օրենսդրությունից բխող պահանջների կատարման աշխատանքները:»
- 13) Կանոնադրության 40-րդ կետի 6-րդ ենթակետը շարադրել նոր խմբագրությամբ.
- «Հաշվեքննիչ պալատի նախագահի հրավերով մասնակցում է Հաշվեքննիչ պալատի նիստերին.»:

3. Սույն որոշումն ենթակա է անհապաղ կատարման, նկատի ունենալով կառուցվածքային բարեփոխումների նշանակալից ազդեցությունը՝ Հաշվեքննիչ պալատի գործունեության արդյունավետությունը հնարավորինս սեղմ ժամկետներում բարելավելու տեսանկյունից:
4. Սույն որոշումն ուժի մեջ է մտնում հրապարակմանը հաջորդող օրվանից:

ՀՀ ՀԱՇՎԵՔՆՆԻՉ ՊԱԼԱՏԻ
ՆԱԽԱԳԱՀ



Լ. ՅՈԼՅԱՆ